

Vorrede.

In Gottes Gna-
den / wir Augustus Herzog
zu Sachsen / des heiligen Römi-
schen Reichs Ertzmarschalln vnd
Churfürst / Landgraff in Thüringen /
Marggraff zu Meissen / vnd Burg-
graff zu Magdeburg. Entbieten hiermit allen vnd jeden
vnsern Erbschutzuerwanthen / zugehörigen Stifften /
Grafen / Herrn / denen von der Ritterschafft / Oberhaupt
vnd Ambtleuten / Voigten / Vorwaltern / Schössern /
Gleitsleuten / Vorstehern / Bürgermeistern / Rätthen der
Städte / Richtern / Schultheissen / Gemeinden / Unter-
thanen / Vorwanthen / Geistliches vnd Weltliches Stan-
des / vnd sonst in gemein / allen andern so in vnsern Lan-
den ihren auffenthalt vnd gewerb / auch sich sonst vnser
Schutzes zugebrauchen haben / vnd jedermenniglichen
vnsern grusz / gnad vnd geneigten willen.

Erwirdige / Wolgeborne / Edle auch Wirdige /
Liebe / andechtige vnd getrewe. Wiewol vnser
löbliche Vorfahren vnd wir von anfang vnser Re-
gierung vnd bis anhero / aus sonderlicher Gnedigster
vnd Väterlichster fürsorge / so wir für vnser getrewe
Unterthanen getragen / vielerley nothwendiger Satzun-
gen / Verordnungen vnd Constitutionen ausgehen lassen /
Welche neben beförderung warhafftiger Christlicher
Religion / zu erhaltung guter Policey / Vnd zu auffwuch-
sen / wolfarth vnd gedeyen der Unterthanen gereichen /

Da ij

Die